

日本逸史

七八

十一卷

Z10.36

79

Vol 4



天津師範學
校圖書館藏
所藏書目記

滋賀縣立當
中學校藏書印

日本逸史卷第七

延曆十七年春正月壬午朔皇帝御大極

殿受朝賀宴侍臣於前殿賜被國史第七

部二元日朝賀宴會附出戊子宴五位已上賜祿有差

部二七十一歲時多朝臣入鹿敘從五位下

公卿補任壬辰河內國稻二千束施入百濟寺

國史第一百八十二佛道部九施入物乙未唐僧慧雲為律師

日本略記丁酉宴五位已上賜物有差國史第七十三

日本逸史卷第七

歲時部三十一 庚子巡幸京中 第一三十一二帝

六日踏歌 辛丑太政官符應停定額寺資財帳

幸皇巡 進官事右被大納言從三位神王宣稱奉

敕準例五畿內七道諸國定額諸寺資財

等帳附朝集使每年進官自今以後空停

進之但遷替國司相續檢校其國分二寺

一依先例 類聚三代格第三 甲辰云云停止公廨

一混正稅割正稅利置國儲國司俸又定

書生及事力數停公廨田 事具國郡部

政理部六公廨及國儲 乙巳敕掃社敬神銷禍致福

今聞神宮司等一任終身侮黷不敬崇各

屢臻空天下諸國神宮司神主神長等擇

氏中清慎者補之任限以六年相替始以

神祇官神封物賜伊勢大神宮司季祿 第十

九神祇部十九神宮司 ○類聚三代格云

太政官符應任諸國神宮司神主事右大

納言從三位神王宣奉敕掃社敬神銷禍

致福今聞神宮司等一任終身侮黷不敬

崇、咎、屢、臻、空、自、今、以、後、簡、擇、彼、氏、之、中、潔、清、廉、貞、堪、神、主、者、補、任、限、以、六、年、之、相、替、

丁未停伊勢美作等國獻早粟帝王部十一

三御是日有兔出朝堂院東道為人所獲

己酉任官日本記略

二月壬子朔美濃國入村國連惡人配流

淡路國以停宿羣盜侵犯百姓也國史第八十七

刑法部配流甲寅右京人正六位上許曾部朝

臣帶麻呂等言大和國廣瀨郡田疇多數

灌溉之水伏望以公田七町築堤為池同

利分私其功食等並用私物許之第一百五十九田

地部上公田丁巳任官日本記略從四位上藤原朝

臣葛野麻呂任右大辨正五位上秋篠朝

臣安人任左中辨從五位下藤原朝臣道

雄任武藏介戊午從五位上藤原朝臣園

人任大和守公卿補任己未巡幸京中國史第三十二

帝王部十一二壬戌停近江守廉仗日本記略丙

寅太政官符應禁斷副擬郡司事右被大
納言從三位神王宣傳奉敕郡司之員明
具今條而諸國司等一員有闕便擬數人
正員之外更置副擬無益公務已潤私門
侵隕百姓莫過斯甚自今以後簡堪時務
者擬用闕處正任之外不得復副類聚三
七 丙子任官是日巡幸京中日本
記略
三月辛巳朔巡幸京中國史第一三十一二帝
王部十一二天 皇巡

幸 癸未宴五位已上命文人賦詩賜物有

差 第七十一三歲時 乙酉巡幸京中第三十一

部 十一二天 丙申詔曰昔難波朝廷始置諸

郡仍擇有勞補於郡領子孫相襲永任其

官云云宣其譜第之選永從停廢取藝

業著聞堪理郡者爲之云云其國造兵衛

同亦停止云云事具郡司部 ○第十九神

宮部采女亦載之云詔曰云云郡司譜第
之選永從停廢取藝業著聞堪理郡者爲

乏國造兵衛同亦停止。是日太政官符應
但采女者依舊貢之。以春秋公羊穀梁二傳各為一經教授學
生事右得式部省解。稱按學令云教授正
業左傳服虔杜預註者上件二傳棄而不
取。是以古來學者未習其業。而以去寶龜
七年遣唐使明經請益直講博士正六位
上伊與部連家守讀習。還來仍以延曆三
年申官始令家守講授三傳。雖然未有下

符難輒為例。自此厥後二三學生有受其
業。即以彼傳冀預出身。今省欲試恐違令
條。將從抑止。還惜業絕。竊檢唐令詩書易
三禮三傳各為一經。廣立學官。望請上件
二傳各準小經。永聽講授。以弘學業。仍請
官裁者。大納言從三位神王宣奉教。依請
學令。已亥遊獵于水生野。賜五位已上。衣
集解。第三十一。二帝玉部。癸卯曲宴。賜五位以上。

衣ヲ第三十一二帝王ノ部
丁未太政官符應任

出雲國意字郡大領事右被大納言從三

位神王宣傳奉敕昔者國造郡領職員有

別各守其任不敢違越慶雲三年以來令

國造帶郡領寄言神事動廢公務雖則有

闕怠而不加刑罰乃有私門日益不利公

家民之父母還為巨蠹自今以後宜改舊

例國造郡領分職任之類聚三代格第七

夏四月甲寅敕依去三月十六日敕云云

郡領譜第既從停廢國造兵衛同亦停止

但先補國造服帶刀杖宿衛之勞不可不

矜宜除國造之名補兵衛之例國史第十

十九國造己未敕承前之例諸神宮司準長上

官四考為限自今以後宜改準番上之例

第十九神祇部庚申地震第一百七十一災

癸亥大藏省藏部數定為四十人仍給二

十人夏冬衣服

第一百七職官部
十一大藏省

乙丑敕雙

林西變三乘東流明譬炬燈慈同舟楫是以弘道持戒事資真僧濟世化人貴在高德而年分度者例勿取幼童頗習二經之音未閱三乘之趣苟避課役纔忝緇徒還棄戒法頽廢學業爾乃形似人入道行同在家鄭璞成嫌齊竽相濫言念迷途寔合改轍自今以後年分度者宜擇年三十五

已上操履已定智行可崇兼習正音堪爲僧者爲之每年十二月以前僧綱所司請有業者相對簡試所習經論總試大業十條取通五已上者具狀申官至期今度其受戒之日更加審試通八已上令得受戒又沙門之行護持戒律苟乖斯道豈曰佛子而今不崇勝業或事生產周旋閭里無異編戶衆庶以之輕慢聖教由其陵替非

起一作報

只黷亂真諦固亦違犯國典自今以後如
此之輩不得住寺并充供養凡厥齋會勿
開法筵三綱知而不糾者與同罪自餘之
禁宐依今條若有改過修行者特聽還住
使夫住法之侶彌篤精進之行厭道之徒
起慚愧之意第一百八十七佛道部十四度者是日參議正
四位上太宰大貳兼刑部卿石川朝臣真
守致仕公卿補任下卯諱淳和太上天皇及葛原親王

於殿上冠

日本記

庚午公卿奏謹按今條左

右京每條置坊令一人督察所部既無俸
秩競事避遁伏望準少初位下官給祿并
職田二町優恤其身令勤職掌許之國史

七職官部十三左右京職○類聚三代格

云太政官謹奏應以坊令準初位官事右

謹按今條左右京職每條置令一人督察

所部惟人是憑而任居要籍秩無徵俸至

于除補競事辭遁伏望準少初位下官給

祿優恤其身令勤職掌臣等商量如前伏

聽天裁謹以甲戌以外從五位下內藏宿

申聞謹奏聞

禰賀茂麻呂為遣渤海使正六位上御使

朝臣今嗣為判官第一百九十三

五月甲申御馬狩殿觀騎射國史第七十一

五月丁亥巡幸京中第三十一帝王部四庚

寅太政官符應勳當匿服國司及容許者

事右被大納言從三位神王宣稱重喪解

職古今恆典若有隱匿即處嚴科比間或

貪榮匿服遂待秩滿同僚阿容都無言上

或沒古之狀預聞遠近國解遲到不得解

替此而可恕焉用法令自今以後莫令更

然若致淹遲所由之人除行程之外同科

罪類聚三十一辛卯幸近東院癸巳巡幸京

中丁酉幸葛野川日本戊戌遣渤海國使

內藏宿禰賀茂等辭見因賜其王璽書曰

天皇敬問渤海國王前年廣岳等還省啓

具之益用慰意彼渤海之國隔以滄溟世

脩聘禮有自來矣往者高氏繼續每慕化而相守大家復基亦占風而靡絕中間書疏傲慢有乖舊儀爲此待彼行人不爲常禮王追蹤曩烈脩聘于今因請隔年之裁庶作永歲之則丹款攸著深有嘉焉朕祇膺睿圖嗣奉神器聲教湧洎旣無偏於朔南區宇雖殊豈有隔於懷抱所以依彼所請許其往來使人之數勿限多少但願巨

海之無際非一葦之可航驚風踊浪動罹患害若以每年爲期難虞叵測間以六載遠近合宜故差從五位下行河內國介內藏宿禰賀茂等充使發遣宣告朕懷竝附信物其數如別夏中已熟惟王清好官吏百姓竝存問之略此遣書言無所悉又賜

在唐留學僧永忠等書曰云云

國一史 卷一百九十三 殊

俗部

乙巳任官

日本記略

丙午正五位下

栗

臣翼卒云云父吉麻呂靈龜二年以學生
阿倍朝臣中麻呂僕人入唐娶唐女生翼
年十六天平六年隨父歸國以聰穎見稱
多所通涉出家爲僧未幾學業優長朝廷
惜其才而還俗特賜度二人國史第一百八
十七佛道部
十四還
俗僧

閏五月癸亥正四位下藤原朝臣內麻呂
敘正四位上公卿補任丙寅任官日本記略大納言

從三位神王任中務卿從五位上藤原朝
臣園人任右京大夫春宮少進藤原朝臣
綱繼轉大進公卿補任壬申敕云依今五世之

王雖得王名不在皇親之限爰逮慶雲昇
居親限如聞頑闇之輩爲規徵祿攜養庸
流名爲己胤遂附屬籍以汚宗室非徒連
禍於一己同亦延贖於七廟朕所以丁寧
過於再三曾不改悟彌長奸濫靜言其弊

深合懲清空停後格一依令條俾夫玉石

殊貫蘭芳不離主者施行選敘令集解癸酉宴

於前殿賜五位已上及備府判官已下祿

有差國史第三十一帝王部十一天皇遊宴先是主鷹司於

北山造集放二鷄子即生二雛於御前養

長之天皇甚愛翫詔曰云云授位令羣臣

賦詩日本記略從四位下坂上大宿禰田村麻

呂敘從四位上公卿補任甲戌祈雨於丹生乙

亥幸于北野日本記略今日本...

六月壬午祈雨於丹生日本記略乙酉敕國司

借貸官稻先已禁斷至有違犯法亦不容

今聞自停職田只待食斷非有借貸更無

資糧空令一年之料三分之一準其差法

且借且補國史第八十四部六借貸辛卯曲宴賜五

位已上物有差第三十一帝王部十一天皇遊宴壬辰太

政官符定僧綱並十五大寺三綱法華寺

僧等從僧並可充童子食事大少僧都各
從僧四人沙彌三人童子六人律師各從
僧三人沙彌二人童子四人威儀師各從
僧一人沙彌一人童子二人從儀師各從
沙彌一人童子二人大安元興弘仁藥師
四天王興福法隆崇福東大寺西大寺三
綱並法華寺鎮二人各沙彌一人童子二
人以前被太政官今月六日符傳大納言

從三位神王宣傳奉敕件等綱衆空定從
僧數兼給童子食者省空承知依件爲定
童子各米一升二合鹽五勺充之自今以
後永爲恆例

類聚三代
格第三

戊戌敕唐人外從

五位下嵩山忌寸道光炊權大屬正六
位上清川忌寸是麻呂鼓吹權大令史正
六位上清根忌寸松山官奴權令史正六
位上榮山忌寸諸依造兵權令史正六位

上榮山忌寸千島等遠辭本蕃歸投國家

雖預品秩家猶乏宜特優恤隨便賜稻國史

第七十八賞宴部下賞賜

己亥敕相模武藏常陸上野

下野出雲等國歸降夷俘德澤是憑宜每

加撫恤令無歸望時服祿物每年賜之其

資糧罄絕事須優恤及時節饗賜等類宜

命國司且行且申自餘所須先申後行第百

九十風俗部傳因

丙午太政官謹奏定陸奧國官

員事按察使一人記事一人守一人介一

人少掾一人大目一人少目二人博士一

人醫師一人史生五人守備仗二人右

上件官員臣等商量所定如右伏聽天裁謹

以申聞謹奏聞類聚三代格第五

秋七月壬子中納言從三位壹志濃王兼

彈正尹公卿補任丁卯下式部省符備被大納

言正三位神王宣備奉敕使人等職是要

重安依件官位永賜季祿者然而未嘗有
以五位任長官以六位補次官是實職掌
不疎拘放事重之故也見天安元年十一月十日 壬
申奉幣於丹生祈霽甲戌任官日本記略 從五
位下藤原朝臣貞嗣任備前守公卿補任 乙亥
敕平城舊都元來多寺僧尼猥多濫行屢
聞安令正五位下右京大夫兼大和守藤
原朝臣園人便加檢察佛道部十三僧尼

雜制

八月壬午遊獵拍原野國史第三十一帝

丙戌大風壞京中百姓廬舍日本記略 丁亥

巡幸京中國史第三十一帝 庚寅遊獵

於北野便御伊豫親王山莊飲酒高會于

時日暮天皇歌曰氣佐能阿狹氣奈久知

布之賀農曾乃已惠遠波嘉受波伊賀之

與波布氣奴止毛登時鹿鳴上欣然令羣

臣和之冒夜乃歸第三十一帝王部 癸巳

授位日本記略 大納言正三位神王任右大臣

敘從二位中納言從三位壹志濃王任大

納言敘正三位參議正四位下和氣朝臣

家麻呂藤原朝臣雄友藤原朝臣內麻呂

竝任中納言敘從三位從四位下藤原朝

臣繩主任參議右京大夫藤原朝臣園人

敘從四位上公卿補任 丙申前參議正四位上

石川朝臣真守卒天平神護二年七月敘

從五位下任近江介三年七月任右京亮

神護景雲二年十一月任中務少輔四年

九月任少納言寶龜二年十一月敘從五

位上三年四月任遠江守十年正月敘正

五位下天應元年五月兼武藏守延曆元

年八月任式部大輔二年正月敘正五位

上五月敘從四位下任太宰大貳九年二

月任參議七月兼右大辨十年正月敘從四位上七月任右京大夫十一年二月兼大和守四月轉左京大夫十二年三月任太宰大貳十三年正月敘正四位下十四年七月敘正四位上十六年三月任刑部卿是年四月致仕卒時年七十公卿補任辛丑遊獵於柏原野國史第三十二帝王部十一二天皇遊獵癸卯御內膳院曲宴賜物有差第三十一二帝王部十一二天皇遊獵

宴甲辰遊獵於大原野第三十二帝王部十一二天皇遊獵

九月癸丑定可奉祈年幣帛神社先是諸

國祝等每年入京各受幣帛而道路僻遠

往還多艱今使用當國物國史第十神祇部十祈年祭及

第十九神祇部十九祝乙卯遊獵于北野第三十一二帝王部十一

二天皇是日治部省解備僧位與俗位相

當僧綱牒備僧位有五階入位住位滿位

法師位大法師位即準此又無位僧當八

位入位僧當七位住位僧當六位滿位僧當五位法師位僧當四位大法師位僧當三位職原抄壬戌詔曰法相之義之有而破空三論之家假空而非有竝分軫而齊警誠殊途而同歸慧炬由是逾明覺風以之益扇比來所有佛子偏務法相至於三論多廢其業世親之說雖傳龍樹之論將墜良為僧綱無誨所以後進如此宜愍慙

誘導兩家竝習俾夫空有之論經馳驟而

不朽大小之乘變陵谷而靡絕普告緇侶

知朕意焉

國史第一百七十九 佛道部六 諸宗

癸亥符偁自

今以後出舉正稅給穀收穀立為恆例見大

同元年八月乙酉是日太政官符應糾正僧子假

蔭出身事右大臣宣稱奉敕僧或有子

多事假蔭違教犯法理合改正但為有所

思特從寬宥以往假冒更莫追論自今以

後息子之僧一切還俗以懲將來親姻鄰
保藏而不告科違敕罪不聽蔭贖類聚三十一代格第
十一乙丑越後國田地二百五十町賜三品
朝原親王己巳阿波國飢遣使賑給之日本
記是日太政官符禁斷貯錢事右被右大
臣宣稱奉敕用錢之道取於輕便有無均
利彼此得宜者也如聞外國吏民多有貯
蓄京畿士庶還乏資用既乘均利之義亦

失得宜之方宜下嚴制不得更然所有之
錢盡皆納官仍用正稅準價給之送京之
功亦用正稅如有藏而不進為他被告不
論蔭贖科違敕罪五分其物一分給告者
四分沒官但伊賀近江若狹丹波紀伊等
國不在禁限類聚三十一代格第庚午遊獵于栗前
野癸酉遊獵於日野國史第三十一代帝王部十一天皇遊獵
冬十月己卯太政官符禁制兩京畿內夜

祭歌儻事右被右大臣宣稱夜祭會飲先
已禁斷所司寬容不加捉搦遂乃咸供酒
饌姦事配亂男女無別上下失序至有鬪
爭間起淫奔相追違法敗俗莫甚于茲自
今以後嚴加禁斷祭必晝日不得及昏如
猶不悛更有違犯不論客主尊卑同科違
敕之罪但五位以上錄名奏聞其鄰保不
告亦與同罪事緣敕語不得違犯

類聚二
代格第

二十壬午出畿內官稻減時價以糶與百姓
為民食之也

國史第八十
理部二糶糶

政

丁亥敕國造

郡領其職各殊今出雲筑前兩國慶雲三
年以來令國造帶郡領託言神事動廢公
務雖有其怠無由勘決自今以後不得令
國造帶郡任又國造兼帶神主新任之日
例皆棄妻取百姓女子號為神宮采女便
娶為妾妄託神事遂扇淫風稽之國典理

合懲肅空國司卜定一女供之

第十七九神祇部十一九

國造 ○類聚三代格云太政官符禁出雲國造託神事多娶百姓女子為妾事右被右大臣宣稱奉敕今聞承前國造兼帶神主新任之日即棄嫡妻仍多娶百姓女子號為神官采女便娶為妾莫知限極此是妄託神事遂扇淫風神道蓋世豈其然乎自今以後不得更然若娶妾供神事不得已者宜令國司註名密封卜定一女子不得多點如違此制隨事科處

壬辰敕破戒之

僧或營生產不聽住寺并充供養其有犯之尼空準僧糾正使得薰猶不雜涇渭異

流

第一百八十一六佛道部十一三僧尼雜制

未敕量收糶穀斗

斛有限經年除耗法令立例今或所司斛斗之外更加耗分糶則一俵二升已上穀亦斛別五升已上輸納百姓常苦此費自今以後檢收糶穀不得數外更加耗分糶如有違犯依法科處度量權衡先有製平校行用具令條然所司怠慢曾不遵行大小任意輕重由入收納多濫蠹害尤

甚自今以後宜改此弊升尺等類就大藏
省依法平校永絕姦源若違此制
真嚴
科又租稅調錢出納有限收徭充用色數
非一奸吏之輩犯用官物名公文乘不憚
憲章心挾貪濁競事截畱至有剩徵田租
奸折調錢職寫田直徭錢等類贓污多端
積習無悛不設科條何以懲肅其來年正
月以後若有犯者依法科罪所犯若輕猶

解見任永不敘用

第八十政理部二度量
權衡及八十四政理部

六犯
官物

又物有貴賤價異高下夏絕秋穀色

類既多諸國交易先立沽價貴時強與賤
價賤時詐註貴直遂事割截枉規利潤蠹
民害政莫甚於斯宜改前過不得重犯仍
候物賤之時充和市之價依實言上不得

奸截如猶不悛科違敕罪

第八十政理部
二沽價○類聚

三代格云太政官符一禁犯用官物名中公
文刺事右田租地子出納有限正稅雜用

色一數非一一如聞竊吏之輩不憚憲章之心持
貪一濁一競一事一截一雷一至一有下利一微一田一租一過一取一地一予一
割一取一物一直一折一減一糧一貨一賦一法一多一端一積一習一無一悛
不設科條何以懲肅其來年正月以後若
有犯者計賦科罪罪一隱一截一出舉之坐解
卸見任承不敘用一禁官交易物失時致
損事右時物有貴賤一充一價一異一高一下一夏一絕一秋
穀色類既多如聞諸國交易先立沽價一貴
時八強與一賤一價一賤一時詐註責直一遂一事一割一截一枉
規一利一潤一靈一民一害一政一莫一甚一於一斯一空一改一前一過一不
得一重一犯一仍一候一物一賤一之一時充一和一市一之價一依一實
申一官一不一得一竊一截一如一有悛一罪一上條一以前
被一右一大一臣一宣一稱一奉一教一凡一厥一具一僚一並一應一簡一擇
既一居一祿一理一令一清一勤一或一有下情一殉一賊一私一多一違
憲一法一頻一經一識一勵一未一聞一悛一懲一泣一辜一之仁一雖一則
切一於一解一網一形一故一之典一誠一不獲一已一而一為一安一慰

懲誨喻各令自勸如
猶違犯必處重科
戊戌幸大堰日本記略

十一月庚戌遊獵于大原野國史第三十一

二天皇 癸丑從四位下藤原朝臣園人任

遊獵 治部大輔公卿補任 乙卯任官日本記略 戊午遊獵

于日野庚午遊獵于水生野國史第三十一

二天皇 辛未雨雪諸司掃雪賜祿有差第百

六十五祥 壬申大和國添下郡荒廢公田

瑞部上雪 二十四町舊池一處入秋篠寺永為寺田

第一百八十二佛
道部九寺田地

十二月壬辰行幸北野日本記略乙未加鑄錢

司史生二員國史第一百七職官丙申下符

云云見大同三年七月十六日符壬寅渤海國遣使獻

方物其啓曰嵩璘啓使賀萬等至所既之

書及信物絹絕各三十匹綵二百約綿三

百屯休數領足慰悅實深雖復巨海漫天

滄波浴日路無倪限望斷雲霞而巽氣送

帆指期舊浦軋涯斥候無闕糗糧豈非彼

此契齊暗符人道南北義感特叶天心者

哉嵩璘莅有舊封纘承先業遠蒙善弊聿

脩如常天皇遙降德音重貺使命恩從懷

抱慰喻懇懃況復俯記片書眷依前請不

遺信物許以辛卯書疏之間喜免瑕類庇

陰之顧識異他時而一葦難航奉知實喻

六年為限竊憚其遲請更貺嘉圖并迴通

鑑從其期限，傷合素懷，然則向風之趣，自不倦於寡清慕化之勤，可尋蹤於高氏。又書中所許，雖不限少多，聊依使者之情，省給行人之數，謹差慰軍大將軍左熊衛都將上柱將開國子大昌泰等充使送國兼奉附信物，具如別狀。土無奇異，自知羞惡。

國史第一百九十一卷殊俗部渤海

日本逸史卷第七

日本逸史卷第八

延曆十八年春正月丙午朔，皇帝御大極殿受朝，文武官九品已上蕃客等各陪位，減四拜為二拜，不拍手，以有渤海國使也。諸衛人等並舉賀聲，禮訖宴侍臣於前殿，賜被。國史第七十一卷一歲時部二元日朝賀宴會附出及第一百九十三卷殊俗部渤海壬子，子豐樂院未成功，大極殿前龍尾道上構作借殿，嘗以彩帛。天皇臨御蕃客仰

望以為壯麗命五位已上宴樂渤海國使

大昌泰等預焉賜祿有差第七十一歲時部二十七日日節會

甲寅賜五位已上新錢三位三千文四位

二千文五位一千文丁巳授位日本記略辛酉

御大極殿宴羣臣並渤海客奏樂賜蕃客

以上新羅摺衣並列庭踏歌國史第七十一二歲時部三十一六

日踏歌及第一百九十一三殊俗部渤海癸亥於朝堂院觀射部三十一七日日射

位已上射畢次蕃客射焉第七十一二歲時部三十一七日日射

禮

甲戌唐人大學權大屬正六位上李法

琬大炊權大屬正六位上清川忌寸斯麻

呂造兵權大令史正六位上榮山忌寸千

島官奴令史正六位上榮山忌寸諸依鼓

吹權大令史正六位上清根忌寸松山等

給月俸怒其羈旅也第七十八賞是日任

官日本記略從四位上藤原朝臣葛野麻呂任

太宰大貳從五位下三緒朝臣綿麻呂任

近江大掾

公卿補任

二月乙亥朔辛巳諱

嵯峨天皇

於殿上冠壬午

幸于交野

日本記略

己丑遣從五位上行兵部

大輔兼中衛少將春宮亮大伴宿禰是成

傳燈大法師位泰信等於淡路國今賚幣

帛謝崇道天皇靈

國史第二十五帝王部五謚號

天皇敕出

舉私稻光已禁制如或違犯即有嚴科而

去年不稔百姓乏食諸國出舉定難周贍

因時弛張古今通典宜寬前制暫任民情

其收息利率十收三如過此限罪亦如前

第八十四政理部六私出舉

甲午任官

日本記略

參議從四

位下紀朝臣梶長兼左兵衛督中務少丞

藤原朝臣藤嗣任式部大丞

公卿補任

乙未流

陸奥國新田部百姓弓削部虎麻呂妻文

部小廣刀自女等於日向國久住賊地能

習夷語屢以謾語騷動夷俘心也

國史第八十七

刑法部
一配流

是日從三位行民部卿兼造宮大
夫美作備前國造和氣朝臣清麻呂薨本
姓磐梨別公後改藤野清麻呂與姊廣虫
仕高野天皇竝蒙愛信天皇落飾廣虫隨
出家法名法均此時僧道鏡得幸於天皇
出入警蹕號法王景雲三年七月太宰主
神阿蘇麻呂媚事道鏡矯八幡神託曰今
道鏡卽帝位天下太平道鏡聞之情喜天

皇召清麻呂於牀下曰夢有人來稱八幡
神使云爲奏事情下尼法均朕答曰法均
軟弱難堪遠路其代遣清麻呂汝宜早參
聽神之教道鏡復喚清麻呂募以大臣之
位先是路真人豐永爲道鏡之師語清麻
呂云道鏡若登天位吾以何面目可爲其
臣吾與二三子共爲今日之伯夷耳清麻
呂深然其言往詣神宮神託宣云今道鏡

卽帝位天下太平清麻呂祈曰今大神所
教是國家之大事也託宣難信願現神異
神卽忽然現形其長三丈許也如滿月清
麻呂情魂失度不能仰見於是神託宣我
國家君臣分定而道鏡悖逆無道輒望神
器是以神靈震怒不歆其祈汝歸如吾言
奏之天之日繼如續皇緒汝勿懼道鏡之
怒清麻呂歸來奏如神教天皇不忍誅爲

因幡員外介改姓名爲別部磯麻呂流大
隅國尼法均還俗爲別部狹虫流備後國
道鏡又追將殺清麻呂於道雷雨晦暝未
卽行刑俄而敕使來僅得免于時參議藤
原百川懇其忠烈割備後國封戶鄉二十
戶送充於配所寶龜元年聖帝登祚有敕
入京賜和氣朝臣復本位姊廣虫又掌吐
納敘從四位下云云清麻呂練於庶務尤

明古事撰民部省例二十卷子今傳焉奉
中宮教撰和氣譜奏之帝甚善之大學南
邊以私宅置弘文院第一百四十七文部下
撰書及日本記略○
公卿補任云薨辛丑遊獵于栗前野第三十二
時年六十七
帝王部十一二
天皇遊獵

三月乙巳朔震民部省廩日本
記略癸丑太政
官符應禁皇親之祿乞賣賤價事右檢按
內太政官去延曆十六年四月二十四日

下諸國符傳自今以後公私舉錢宜限一
年收半倍利雖積年紀不得過責者今右
大臣宣奉敕如聞王親或募多祿先受少
價或設重質貸乞賤物苟貪因前不顧後
弊報價之日既過一倍因茲所司豪民競
求利潤好為與借班祿之日濫訴繁多自
今以後賣買祿物不得過於半倍之利如
有違犯依法科處類聚三代
格第十一二

夏四月乙亥朔日本記略癸未敕勞水經日苗

稼腐損窮弊之民不得更播空令山城河

內攝津等國巡檢貧民以正稅給之國史第八

十三政理部乙酉任官日本記略參議從四位

下藤原朝臣繩主任春宮大夫藤原朝臣

綱繼任民部大丞公卿補任丁亥下符云云見弘

仁八年正月甲申己丑渤海國使大昌泰等還蕃

遣式部少錄正六位上滋野宿禰船白等

押送賜其王璽書曰天皇敬問渤海國王

使昌泰等隨貨萬口得啓具之王逖慕風

化重請聘期占雲之譯交肩驟水之貢絕

踵每念美志嘉尚無已故遣專使告以年

期而猶嫌其遲更事覆請夫制以六載本

為路難波如此不辭豈論遲促宜其脩聘

之使無勞年限今因昌泰等還差式部省

少錄正六位上滋野宿禰船白充使領送

並附信物色目如別夏首正熱惟王平安
略此代懷指不繁及國史第一百九十一卷殊俗部渤海是日

賑給左右京貧民日本記略丁酉太政官謹奏

近衛府大將一員右元正四位官今定從
三位官衛門府督一員右元正五位上官
今定從四位下官佐一員右元從五位下
官今定從五位上官其左右兵衛等府伏
請一準此府左右兵衛府今加少尉各一

員少志各一員右件任居禁衛職資警守
部統之方無異庶府而官員是少行事稍
多伏請加置件員克理府事其官位者前
後一準衛門府以前雖設官分職令員有
限而斟酌閒繁取捨時宜恆典通論善政
所先今者衛府寄隆職務尤重伏請使身
量品員爵秩相當臣等商量所定具件如
前謹錄事狀伏聽天裁謹以申聞謹奏聞

類聚三代格第五〇日本記略云辛丑救
 近衛府大將元從四位上官今為從三位
 官辛丑廢內藏寮主鑑四人加大屬一員
 減大藏省主鑑大少各一員減治部解部
 四員國史第一百七職官部十一二內藏寮及
大藏省〇職員令集解云太政官謹
奏廢置官員事內藏寮省主鑑四員今加
少屬一員右件員少事多息劇尤殊而主
鑑四人曾無一用從置官員還費俸祿伏
請省除更加少屬一員綜濟寮務大藏省
主鑑大少各一員右同亦省除以前雖設
官分職令員有限而斟酌開繁取舍時宜
恆典通論善政所先伏望廢彼閒吏更置
此要員臣等商量所定具件如前謹錄事

狀伏聽天裁謹
 以申聞謹奏聞
 壬寅下符云云
見天長二年閏七月
 丁酉
 符

五月庚戌勅解由判官紀朝臣廣濱敘從
 五位下任肥後守辛亥從五位上藤原朝
 臣仲成敘正五位下公卿補任癸丑任官日本記略
 丙辰前遣渤海使外從五位下內藏宿禰
 賀茂麻呂等言歸鄉之日海中夜暗東西
 製曳不識所著于時遠有火光尋逐其光

製疑
 當作

日本通史卷第八

九

忽到島濱訪之是隱伎國智夫郡其處無
有人居或云比奈麻治比賣神常有靈驗
商賈之輩漂宕海中必揚火光賴之得全
者不可勝數神之祐助良可嘉報伏望奉
預幣例許之國史第十神祇部十常祀及
第一百九十三殊俗部渤海
癸亥下諸國符云云見大同元年
八月乙酉符己巳尾
張國海部郡主政外從八位上刑部粃忠
言權掾河保朝臣廣成不憚朝制擅養鷹

鷄遂令當郡少領尾張宿禰宮守六齋之

日獵於寺因奪奏進敕須有違犯先言其

狀而凌慢國吏輒奪其鷹空特決杖解卻

其任國史第八十七
刑法部一斷罪辛未遣神祇大祐正

六位上大中臣朝臣弟枚改作伊勢大神

宮正殿第三神祇部三
伊勢大神宮讚岐國飢出穀萬

二千斛賑貸乏絕戶第八十四政
理部六借貸壬申停

遣新羅使日本
記略

六月甲戌朔太政官符左右衛士府醫師各二員今省廢一員定一員右被右大臣宣稱奉敕宜依件省定職員今集解丁丑遣左衛士志矢田部常陸麻呂於平城捕內豎雀部廣道決杖一百以強奸法華寺尼也國史第八十七刑法部一斷罪戊寅詔曰惟王經國德政為先惟帝養民嘉穀為本朕以寡薄忝承洪基懼甚履冰懷乎御朽昧旦丕顯日昃

陰陰之下
陰字
疑當
作陽

聽朝思弘政治翼宣風化而時雍未洽陰陰失和去年不登稼穡被害眷言其弊有憫于懷空敷寬恩答彼咎祥其被損尤甚之處美作備前備後南海道諸國肥前豐後等十一國去年田租特全免之第八十三部五免租稅癸未敕前停止公廩混合正稅兼減舉數以省民煩然諸國稱任中之未納徵公廩之息利百姓受弊艱苦實深自今

以後空停徵焉如有違者即科之第八十一

部六乙酉敕沙門亶去本寺隱住山林受

人屬託或行邪法如斯之徒往往而在國

憲內教同所不許空諸國司巡檢部內所

有山林精舍并居住比丘優婆塞具錄言

上不得疎漏第一百八十六佛道戊子廣瀨

龍田祭所以鎮弭風災禱祈年穀也日本

己丑中納言從三位和氣朝臣家麻呂任

中務卿公卿癸巳敕去年不稔百姓乏食

暫任民心出舉私稍一張一弛因時垂教

空更禁斷罪依前格國史第八十四政丙

申詔曰朕祇纂丕業撫臨黎元克己勤躬

不遑寧處思欲輯熙四海期之刑措弘濟

百姓致之壽域而近巡京中過堀川處鉗

鑠囚徒暴體苦作興言於茲愀然于懷雖

生民之愚自招罪惡而為彼父母寧不哀

救 當 疑
作

愍其在役見徒及天下見禁囚等罪無輕
重竝空救除令得自新但私鑄錢謀殺故
殺及被問民苦使推訪諸國郡官吏百姓
等不在赦限其謀殺故殺配役者停役配
流普告遐邇今知朕意第八十六政理部 乙
亥免山城國乙訓葛野愛宕三郡負租第八
十三政理部
五免租稅

秋七月癸卯朔日本略 己酉停伊勢齋宮新

嘗會但以歌舞伎供九月祭國史第一三神
祇部三伊勢

大神宮及第四神
祇部四伊勢齋宮 己未置判事史生四員

第百七職官
部十二判事 癸亥太政官符縫殿寮準太

寮事右被右大臣宣稱奉敕件寮加允一

員以置大小寮職員令
集解 乙丑宴賜

四位已上國史第三十二帝王
部十一二天 免備中

國去年租以風旱為災五穀不登也第八
十三

政理部五免租稅及第百
七十三災異部七年 庚午遣被使畿

日本通史卷第八
十三

內七道諸國以齋內親王將入伊勢也第四

神祇部四是月有一人乘小船漂著參河

國以布覆背有犢鼻不著袴左肩著紺布

形似袈裟年可二十身長五尺五分耳長

三寸餘言語不通不知何國人大唐人等

見之僉曰崑崙人後頗習中國語自謂天

竺人常彈一絃琴歌聲哀楚閱其資物有

如實者謂之綿種依其願令住川原寺即

賣隨身物立屋西墀外路邊今窮人休息

焉後遷住近江國國分寺第一百九十九

八月戊寅巡幸京中國史第一三十一二帝王

癸未幸于大堰日本記略丙戌豐前國宇佐郡

人酒井勝小常依有惡行配隱岐國史第八十七

刑法部己丑幸于北野日本記略癸巳遊獵于

栗前野國史第一三十一二帝王丙申奉幣帛

於伊勢大神宮以齋內親王將入齋宮也

第四神祇部
四伊勢齋宮
部十二天
皇遊獵
丁酉遊獵于水生野第一三十一

九月甲辰齋內親王發野宮赴伊勢遣侍

從從四位下中
議正四位下藤

原朝臣乙叡等送焉國史第四神祇部四伊勢齋宮戊申

暴風京中屋舍倒壞辛亥任官日本記略從四

位下藤原朝臣園入任右大辨公卿補任辛酉

正六位上式部少錄滋野宿禰船代等到

自渤海國國王啓曰嵩璘啓使船白等至

枉辱休問兼信物純絹各三十匹絲二百

絢綿三百屯數領足懷愧實深嘉貺厚

情伏知稠疊前年附啓請許量載往還去

歲承書遂以半紀為限嵩璘情勤馳係求

縮程期天皇舍己從人便依所請筐篚攸

行雖無珍奇特見允依荷欣何極比者天

書降漁制使莅朝嘉命優加寵章總萃班

漁當作海

日本通史卷第八

十五

霑變理列等端揆惟念寡菲殊蒙庇廕其
使昌泰等慙專對將命非能而承貺優容
倍增喜慰而今秋暉欲暮序維涼風遠客
思歸指勞望日崇迨時節無滯迴帆既許
隨心正空相送未及駟限不敢同行謹自
迴使奉附輕馭具如別狀國史第一百九十一
殊俗部渤海
癸亥遊獵於陶野賜四位以上衣乙丑遊
獵于的野賜五位已上衣部三十一十一
帝王

獵

是月禁京畿百姓奉北辰燈以齋內親

王入伊勢齋宮也

第四神祇部
四伊勢齋宮

冬十月己卯遊獵于交野壬辰遊獵于西

野

國史第三十一十一
帝王

十一月甲辰地震

國史第一百七十一
災異部五地異

乙巳

下符云云

見大同三年七月
十六日

戊申免淡路國

今年調庸以風水為災百姓被害也

國史
第一百

七十一三災異
部七凶年

是日任官

日本
記略

己酉曲宴賜

五位以上布有差

國史第一三十一帝一王部十一一天一皇遊宴

辛

亥巡幸京中

第一三十一帝一王部十一一天一皇巡幸

甲子敕先

遣問民苦使推訪政迹思明激揚以嚴黜陟今閱使狀違犯者多理須峻刑永懲後輩但以泣辜解網睿哲良規宥過刑故古今通典去延曆十四年簡差使者擬遣巡察慮彼自新未遽發遣而慢法不悛縱愆無厭此而可原孰不可恕其延曆十五年

以還有犯國司以下空依法斷以懲將來但犯佃田三町以下及驅使兵士者特從寬宥其十四年以往所犯積習已久卒難洗盪空事無輕重一從原免第一八十六政上理部八非常赦

十二月乙酉陸奧國言俘囚吉彌侯部黑田妻吉彌侯部田薊女吉彌侯部都保呂妻吉彌侯部留志女等未改野心往還賊

地因禁身進送配土左國

國一史第八十七
刑法部一配流

及第一百九十一
風俗部律內

遊獵于水生野

第三十一
帝王部十一
二天

皇遊

癸巳巡幸京中

第三十一
二帝王部
一天皇巡幸

日本逸史卷第八

不...

五

